

HE PUNA KŌRERO

Paraire 29 o Ākuhata

Wahanga 3: Wiki 7

2.5 Anō te wā e tika ana mō te whakauru i te reo o Tauīwi ki roto i ngā mahi a ngā tamariki. Waiho tēnei mā ngā pouako (ma ia whanau) e whakatau. Ko te mea nui ke kia noho wehe ngā reo e rua. He wahi kē mō te whakaako, he tangata kē hei whangai i te reo o Tauīwi ki ngā tamariki. Anō, ko te mea nui, kia noho rumaki, kia kaua e kōrero mawhitiwhiti mai i tētahi reo ki tētahi reo.



Me whakapakari, me kōrero tātou i te reo Māori kia ora kia rangona i ngā wahi katoa. Me ako i ngā kōrero a o tō tātau tipuna i o tātou whakapapa. Nō reira me ū ki te reo Māori. Kaua e korero Pakeha na te mea kāore he take, kua kaha rāngona hoki ki te ao.

Nā Makoha Ferris, Tau 6, 27.08.25



He reo tapu te reo Māori, he reo Rangatira hoki. Nō reira me ū tatau ki te reo Māori me korero Māori hoki. Me marama ngā tāngata ki te reo Māori. Kia whai koha hoki ki te reo Māori. Kia kaua e korero pākehā ki te kura nei. He wā anō mō te reo Tauīwi.

Nā Hinengakau Chankee-Paea, Tau 5, 27.08.25

Hei whakamahuki i tērā he wā kē hei kōrero i ngā reo o tauīwi he wāhi kē hoki, ki te kōrero Māori me ū ki tērā, ki te kōrero pākehā me ū hoki, engari kia kaua e mawhitiwhiti reo kei mate haere te reo, kia kaua tātau e whakapakari i te reo pākehā kei a koe te ao katoa kia kōrero pākehā, engari ki roto i te kura (i te kainga hoki mena e tāea ana) me kōrero Māori.

Nā Waikohu Greenland, 27.08.25

2.5 Me ū ki te reo Māori i ngā wā katoa. I whawhai ngā matua tipuna mō ta tātou reo Māori. He taonga te reo. Kia kaha te tuku reo, kia rere. He mana tō te reo Māori nā te mea mā te whakapapa e whakamohio ai nō hea, ko wai te tangata. He wā anō ki te korero Tauīwi.

Nā Mihiata Wirepa-Pokai, tau 5, 27.08.25

Me tiaki mātau i te reo nā te mea i whawhai a tātau tupuna mo a tātau reo. Nō reira, me ū me korero hoki ki ngā wahi katoa. Kia akiaki ngā tāngata ki te reo Māori.

Nā Mairangi Tapiata, Tau 5 - 27.08.25





Me tautoko, me awhina, me kōrero hoki i te Reo Māori nā te mea i whawhai o mātou tipuna mō tō mātou Reo. He tohu tēra. He tino tāonga tēnei Reo Māori. Kia ū kia mau ki te Reo Māori whakarauora i te Reo Maori me ōna tikanga ngā heke whakamau. Kia kua e mawhitiwhiti Reo. He wā āno mo te reo Pākehā - ki waho i te kura, engari ko te Reo matua ko te Reo Māori. Nā Waiora Alo-Reeder, tau 5, 27.08.2025

Hei whakamahuki te matapono nei, he tapu ngā reo katoa engari ki roto i ēnei keti ko te reo Māori te reo matua o tēnei kura he wā ano mo te reo Pakeha.
Nā Te Iorangi Milner, Tau 6, 27.08.25

Me ako ngā whānau nā te mea i ngā wā o mua i whawhai ngā tipuna mo tō matau reo Māori. Me ū mātou ki te reo Māori nā te mea he tapu tō mātou reo pērā ki ērā atu reo taketake. Kua e kōrero i te reo Pakeha ki roto te kura kaupapa.
 Nā Rocky Winkels, tau 5, 27.08.2025

E maha ngā reo ō te ao nei. Me tiaki mātau i te reo Māori. Hei timatanga kia whakapakari tō reo Māori. Mehemea he kura maori ka tāu te tamaiti ki te kōrero Māori ki to kainga, te kura hoki - Reo Kainga, Kainga Reo. Mehemea ka whakapakari i te reo pakeha ka ngaro haere tō mātau reo. Kua e mawhitiwhiti reo ahakoa te aha. Nā Thomas Te Ao, Tau 6, 27.08.25

Kia mārama mātau ngai iwi Māori ki te korero i te reo, no mātau tēnei reo. Heoi, me tiaki hoki mātau te mauri o te reo. Me ū tatou ki to tatou reo tuatahi. He wā anō ki te korero pākehā.
Nā Terina Anderson tau 5 27.8.2025



Kia akiaki ngā tāngata ki te ako i te Māori me te mea hoki he reo Kamehameha o te iwi Māori. He hononga anō hoki ki tōku tatāi whakapapa. He wā anō ki te kōrero i te reo Tauwiwi engāri ahakoa ki hea koe me kōrero Māori i ngā wā katoa i ngā wāhi katoa.

Nā Paekitawhiti Reremoana Parekura - tau 5
 27.08.2025

Kia ako te katoa i te reo Māori. Kia ngana tātou kia karapoti i a tātau anō ki te reo Māori. Mā tēnei ngana, ka ora ai nga taiao Māori kia kore e karapoti ngā kura ki te reo Pakeha. Me ako hoki ngā whānau i ngā kupu hou. Me whakapakari ake te reo Māori tuatahi. Kaore he take ki te whakapakari te reo Pakeha - he wā anō mō tenā.
Nā Te Whaiora Watene-Belk, tau 6, 27.08.25

NGĀ MOKOPUNA *Pakeke*

TOA WHAKAIHUWAKA

PREM RESERVE ONE KI PREM 3!

*Kei runga noa atu
koutou!!!*



Kapa 2:- Ngahau 1 (social 1)
He mihi nui ki a koutou katoa
i oti te tau ki te taumata 1
whakangahau! Hei te tau kei te
heke mai wahine mā!



Hōtaka - Wahanga 3

	Rāhina	Rātū	Rāapa	Rāpare	Rāmere	whakatā
wiki 7 25 - 29.08.25	Ākautangi					
wiki 8 01 - 05.09.25				Whakaharatau MKT ki te kura		
wiki 9 8- 12.09.25	PSW POIWHANA Tau 0-4)	EZ kauhoe Kauhoe	Te Rā hapū			MKT - NOHO
wiki 10 15 - 18.09.25	Hikoi mo te wiki o te reo Māori	Manu kōrero a motu EZ kauhoe	EZ haupoi Tau 5-8 ki Akautangi		Rā Kaiako	Wanganga TAM (TBC)

Hōtaka - Wahanga 3

wiki 1	Rā tuatahi o te w4	kauhoe				MKT -Noho
wiki 2	Rā kaiako (TBC)	kauhoe				MKT - Noho
wiki 3		kauhoe				MKT - Noho
wiki 4						



Kākahu Kura

Ki te tono mai mo ngā kākahu hākinakina, kura rānei tuku īmēra ki te [Tari Kura](mailto:tari@tkkmmokopuna.school.nz) me ngā momo e hiahia ana. tari@tkkmmokopuna.school.nz

KĀKAHU HĀKINAKINA	KĀKAHU KURA TUATAHI	KĀKAHU KURA WHAREKURA
<u>Tihāte hākinakina</u> Size 2-16 \$20 + \$8.50 (ingoa - tuatahi, ingoa whānau, karekau rānei) <u>Hoodies Tamariki:</u> \$35 + \$8:50 (ingoa tuatahi, ingoa whānau rānei) <u>Hoodies Pakeke:</u> \$45 + \$8:50 (ingoa tuatahi, ingoa whānau, karekau rānei) <u>Tarau poto (sublimated)</u> \$45 each 	<u>Hāte kura</u> Size 4-16 Utu: \$27.60-\$34.50 <u>Poraka Kura</u> Size 4-16 Utu: \$54.62 <u>Tarau poto</u> Size 4-S Utu: \$34.50 <u>Tarau roa</u> Size 4-16 Utu: \$37.95 <u>Kōti kura</u> Size 2-16 Utu: \$86 <u>Ringa poto (Vest)</u> Size 4-16 Utu: \$46 <u>Pōtae Kura</u> Size 55cm-59cm Utu: \$5	<u>Tihāte kura (polo)</u> Size 12-XXL Utu: \$30 <u>Poraka Kura (hoodie)</u> Size 12-XXL Utu: \$60 <u>Hāte Mā (white shirts)</u> Rahi: 10 + Utu: \$24.72- \$25.87 <u>Poraka Ōkawa (long sleeve jersey)</u> Size 77-102cm + Utu: \$56.22- \$54.04 <u>Poraka Ōkawa (short sleeve vest)</u> Size 87-107cm + Utu: \$46-\$51.70 <u>Here kaki (tie)</u> Size 2-16 Utu: \$30.67 <u>Pōtae kura</u> Size 55cm-59cm Utu: \$5 <u>Tarau poto pango</u> Kei Warehouse, school tex ētahi 

Kura katoa - koinei ngā hū e tika ana ki te kura mai i ngā kōhungahunga ki ngā wharekura.

Kei te kite mātou kei te mau mai ngā hū rerekē rawa ki te kura. He maumaharatanga noa tēnei i ngā āhuatanga e tika ana mo ngā hū kura. Ko te mea nui he pango ngā hū ahakoa hū pāraerae, hū hākinakina, hū ōkawa rānei. Mehemea he kākāhū ōkawa, ko ngā hū ōkawa. Mehemea he kākāhū ōpaki e whakaae ana ko ngā hū hākinakina pango kia pai ai te takaro a ngā tamariki. Mehemea e hiahia ana ka whakaae hoki ki ngā hū paraerae (black back strapped school sandals)

